

本館新聞除禮拜外日出一紙
諸君賜閱本報者無論本埠外埠均可向本館取閱如外埠賜閱照加郵費可也除日報常刊送外復不惜工本從英國採辦鉛書裁紙各機器以待與各官商刊印書籍單件並有英國各體活字及各式花邊等延有西人排印工藝其精所有中西文字均能刊印前有石版印字大小機器均用精工刊

第 二 千 四 百 八 十 九 號

報 叻

(號一十第牌門口虱巴專在設開館本)

印工絕倫前延有文士書寫各體文字現由上海購到各種書籍出售其書目另行刊佈所有各商標其相宜者本館所登來札原擇其有關世道人心者附登否亦須無礙於人而後始錄其有謬誤成文以及支離費解者概不登報嗣後諸翁來札尚祈自諒更須寫實爵里而後敢登但來稿登與不登均不能將原稿收回也 本館謹白

庚寅二月廿五日

大英一千八百九十三年三月十五號禮拜六 凡刊印告白第一日每一字仙二第二日以下每字半仙 每張售錢五仙 每月一元 每季三元 每年十元

曉發傳其書或銅板木板鉛板不概均錄之有可字書詩書等項尤繁多有功地未嘗見者其有益於世道人心者實非鮮淺有非徒快耳目者比並 以爲 諸君子所欲先睹爲快者也所有各書目經已另列單長附呈 鈞覽閱者 謹啟

書本報茶市情形後

本報前錄茶市情形一則言中國之茶出洋者日鮮一日而印度所植則日益有增即亞三一隅其所種植者已年盛一年正未可爲之限量噫中國茶市日壞至於如是可勝慨哉夫中國出口前洋之貨以茶絲兩項爲大宗絲固無論矣今以茶而論則素已馳名於天下三十年前外國之人未知種茶之法難取資於中國故中國茶市遂獨擅其利權所奈近來諸茶商惟貪重利於目前不計貽憂於日後致令茶市爲之日壞諸洋商見華茶若此不得已而講求種植之法於是洋茶雜出而中國茶市遂由是而衰今中國出口之茶較諸十年前其盛衰已不殊霄壤更遠者無論矣即如紅茶一項常年販往英國者絡繹不絕而本年則諸英商均爲袖手不敢與之購置則緣去年紅茶一項虧累甚多查去年漢口所沽紅茶每担價銀由十五兩至廿兩之譜迨運至英國則每担僅值銀兩以至七兩之譜而已然則所虧之巨可想而知又查三年前中國紅茶之運往英國者計有一百零八萬担之多運至俄國者亦有五十三萬担之譜迨至去年則運往英國者僅得六十五萬担而運往俄國亦得四十八萬担而已似此情形則中國出口之茶已大不如前且將來茶市日衰實不知伊於胡底夫中國之茶則日出日偽以至銷場頓滯而印度西歐等處則方力求振興茶務彼日盈而此日絀則將來尙可開平否查中國茶市之壞則並非因貨色不佳又非因所收之款實則因人事之多積弊所來其故有二一則烘焙未能合法也新茶出山必須烘焙始能上市而中國向者焙茶之法向用炭火爲之故其色深而氣香西人爭相購置乃近來烘茶之人貪圖省費常在山間檢取濕柴腐草爲之烘炕此等柴草者火以後即冒煙氣飛騰其煙冒於茶中以致茶味因之大壞且又省工惜費每每炒之不熟炒而不熟則茶色必不能紅然則色味均遜於前是則安能望其起色則茶商於此宜預飭炕茶者無惜工無惜費而照從前之法以炭爲之庶能厥而復與不至其利盡爲外人所擄則於茶市大有裨矣一葉片多所攪雜也質選之途所貴者惟期信實而質實之處則惟在貨色之無欺今西人之所以戀戀於華茶者亦以其所產之佳耳乃諸茶商於此則肆其攪雜每每以低偽之貨而混於上貨之中是則不惟貨色不及於前且佳茶之味反爲劣茶所奪彼僞者徒計目前之利縱西商不察與之購買然亦僅能欺瞞一次迫人既知其僞則下次尙敢與其交易是僞利者適足以爲之自害耳一則稅釐苦於太重也查中國於茶葉出口其稅之重異常每斤價值百元者稅釐共計所收不下三十元而印度西歐所產之茶無論運往何處地方均無所謂出口稅釐彼此相較則盈絀之處不啻判天淵夫稅釐重則成本必因之而高成本高則售價亦必因而貴況由中國運茶前往西歐者遠是則舟費載費亦較印度有加然則華茶之價必高茶價既高貨色一經醜惡而而不勝做也耶所幸者則茶葉一項實以中國所產者爲最佳西國之善於品茶者均推華茶爲最上故西人每每不能忘情於華市今若使其茶式果能如舊即價費較貴而西商亦不購爭先也彼業茶者其亦知之也否

英葡電報

英德電報 ○二十三日英京發來電報云葡國之人現在捐資以便預備守禦之策等因不意葡者竟覺寥寥以致大失所望云

稅項日增

○現聞本坡工部局已令人在叻市遍查各處所掛招牌而每牌每年徵收稅銀一元此以所掛之牌實有侵及官道故也且其抽之法非自今於并查該店掛牌若干時日須自始掛至今概爲補完方能准其張掛然據局員之意則謂此例英京已有行之故特爲之取法者然似此抽收稅則即顯顯一頂亦必隨徵徵夫本坡賦稅之重居民已不堪今則門外所出之牌亦且徵收則將來不知更設何法以爲抽取工部局之計則原欲使民今新稅日見其增謹恐此端一開更不知伊于胡底也噫

贖股難憑 ○前數日本坡刺合全礦公司之股價竟突然而漲其價由一元七角半忽漲至五元之多緣傳聞該公司礦內之水將已取乾而礦中所出全砂甚豐諸人皆喜其股故紛紛為之爭購也詎其股價昨忽又為之大降竟降至二元二角半且無有願為承受者觀近來開礦股份升降無常若是亦可見礦股之難憑矣

法京近報 ○前報法國前皇室烏里安前住法京投軍一事實有違一千八百八十六年巴黎所立之律蓋其律內所言凡為前王宗室概不准逗留法京今烏里安違律投軍故為有司執獲判監禁二年之罪此案在法廷本欲將其釋放因恐綠是致得罪於變政黨人故不得不照例將其監禁云

英國郵音 ○前接電報所錄英國不刺士葛之總水櫃忽然進破以至淹浸屋宇溺斃人命之事查其總水櫃乃建於高原櫃身有四十英尺之高滿注泉水以備分引諸處以資民食當其迸裂之時水勢滔天百里之內所有店戶均為淹浸而威堅麥鎮則概付於汪洋浩淼之中所幸該處居民尚稀故僅有一百五十人斃於水中而已然當該水櫃未破之前一日其司理人已知其櫃將壞即令人通知附近居民着即立時遷徙以避其災詎其所使之人行至半途忽然酒興勃發因在路傍沽飲竟至大醉遂向醉鄉尋樂竟不將此事佈告居民以致人不及防故遭此劫者有如斯之眾也

案請上控 ○麻六甲緝獲軍火一案業經甲地府尊訊定分別科罰各節均列前報刻聞被告等情有不甘因請將案再為上控業經府尊准如所請矣

南洋股份行情電報 ○昨本坡實得力太晤士西報接得廿二日英京電報云彭亨股份現值銀七十二司令至七十七司令半民東股份現值十司令至十二司令半暹羅金礦則尚有行無市云

要犯捉訊 ○前報本坡獄內為匪竊去重資嗣在柔佛捕獲人犯四名一案現此四犯業由柔佛解至叻中於二十三日即經府尊提訊而巡捕官因請將案押候三十日再為覆訊云

泉案補餘 ○廿二日泉堂所訊之案昨經登報是日訊及陳亞生盜案之際維時已暮本報排印急迫未及候登茲再將是日所訊之案而補錄之查陳亞生所犯盜案訊定之後知罪無可辭因查該犯前已犯罪多次故判將犯監禁三年期滿出獄之時再由巡理府看管二年此案訊畢即續訊西人禮里士列雞奸之案惟証供尚未能確鑿故陪審諸員均稱無罪遂乃判將被告開釋


泉案三紀 ○廿三日乃泉堂決獄第三日之期而是日正副兩堂同時開訊此錄上控堂期在即而麻六甲不日亦須開堂故正副泉憲同日陞堂俾各案得以早為畢訊也因查是日正堂所訊各案其一乃西人買芝弗刺知誤傷之案查被告乃前者於然申埔頭誤傷其友以至斃命故被執獲是日提訊之際被告訴稱是日死者醉後欲將其毆擊因為格拒遂至誤傷耳而原捕之差亦如所供且言被告原無有意毆人而照驗屍官所報則死者委係大醉云云但陪審諸員則稱被告為有應得之辜故泉憲遂判將被告監禁一月無須充當苦工以示薄懲其二乃為穆拉油人沙末及峇加刺里穆拉油婦人賴利亞毆斃葡萄牙人利蘇沙一案訊定之後以誤傷論且非當場擊斃因判各監禁七年而是日副堂所訊者其一為陳金陳恭二人至丹戎牛行竊之案訊畢陪審諸員均稱被告有罪遂乃定首犯陳金監禁一年期滿出獄之時再由巡理府看管二年次犯陳恭則判監禁九個月 其二乃湯文音盜竊之案查湯乃生長巴城於去歲始經來叻因在小坡與陳妙合夥為落海生理嗣因生理不遂於是年十月間與湯會與一大地地方生長之婦人陳碧蓮拚合查婦先已適人嗣因夫死故携同其姪寓叻中於去歲二月間即與湯有交當婦來叻之時其父曾有首飾等物給之約值約千餘元迨至去歲臘月十四日湯與婦言其暫回前夫家中因現在稅有一屋欲為檢娶約定是夜七點鐘當來接婦同往看視否屬相宜等語婦聞語信以為然即命與湯其前夫家去迨至是日下午六點鐘時婦之姪即至婦之所言湯於四點鐘時入其寢室中不知所搜何物遂見其房有物皆物忽忽出門而去婦因疑登即趨回看視則蕭條宛然惟內中之物已不翼而飛矣婦至是知湯已起不良遂於翌日往府署 切并將湯緝捕乃久而未獲婦因高懸賞格一百元以緝湯之踪跡迨至本年正月十四日始有人報知湯在打石街中區郵報差往緝遂一將湯緝獲其篋箱物尚略有所存但婦雖與湯交好經年而所首飾等并未與湯言之大抵為湯查知婦有重資以故突起不良使婦逃出因案同曠之而去也是案訊畢時陪審諸員均稱湯為有罪泉憲乃諭云此事本宜重懲因姑念汝為生理中人聊示薄懲因判監禁六個月

西二月本坡生死冊錄 ○茲閱西本年二月本坡生死總冊稱是月內在本坡賦生者男女共二百廿五人而死於叻地者男婦共四百二十命云


聽訟明恕 ○前報本坡土屠漁人陳明豐為某穆拉油人所控稱其入屋行竊并以盜竊一具作為贓物一案昨經府尊提訊據陳稱并無行竊之事因與原告會商嫌近以病後出行偶經原告之門遂為彼挾嫌誣陷耳府尊訊畢知係挾嫌誣控無疑因判將被告省釋完案

銅銀案錄 ○近錄市上之假銀甚多致國家捕偽銀之重禁嚴查聞人林亞成者向在吉寧街後街開設一成興號號為業十五

馳名鐵櫥出售



○嘗思營生之道所最要者則惟數簿其次則惟銀兩然必須有以善藏始無意外此本行鐵櫥所以為 諸翁之所共賞也啟者本行所賣之鐵櫥久已馳名於東方一帶而於叻坡則聲名尤著至本行沽賣此等鐵櫥已有三十年之久其製甚為堅固保能避火且其匙鑰甚妙斷非盜賊等所能開計其櫥全身均用鐵製成並無雜以木料且諸櫥自前至今均為一式堅固並無有優劣之分至於各櫥大小不一而價值則約一百元至四百元凡用之者可保其不礙焚燒即遇火災亦無所損本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百八十九年十一月廿八號



明馬洋行啟

烏密酒發售



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭標烏密酒到叻應沽此酒香奕異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酌飲者請至本行取用可也此佈 大英一千八百八十八年八月十五號 明馬也洋行啟

法國頂上蜂窠標萬蘭池酒出售




啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨沽買是荷 大英一千八百八十八年六月二十號 大清光緒十四年五月十一日 明馬也公司謹啟

出賣三品酒



啟者本行督辦歐洲馳名三品洋酒來叻發售其酒係白頭欵式發售有年沽飲 諸君莫不稱其香奕奈近有無恥之徒假冒本庄三品酒欵式以圖魚目混珠情殊可恨嗣後 諸君沽買本行白頭三品酒者請細認本號招牌之內有小紙包頭計華字新嘉坡明馬也公司者始無誤若此字樣即屬偽冒請為細認特此佈 聞 大英一千八百八十五年十二月十九號 明馬也公司謹啟

蜜酒出賣



啟者本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤倘有無恥之徒假冒本行鎖匙標者本行定必嚴為控究再此酒不能販往 加勝吧 三寶壟 泗里末 望加錫 檳榔嶼 日裡等處其他各埠均能運往並此佈聞 大英一千八百八十六年十一月十八號 明馬也洋行謹啟



實未忘懷於喀什噶爾及伊犁各地方所以至今仍未起而圖之者則因歐洲大局現仍未定恐不能操必勝故爾遲遲欲使勝算可操而後始起而舉事耳然以俄之兵力若以喀什噶爾以及伊犁等處為易易不過唾手可得然若欲圖取蒙古一帶則恐有甚難蓋中國現已駐紮重兵於與京地方此實為防俄之故但伊犁等處若為俄所取則中國雖以傾國之兵亦非易於克復此因其地附近俄邦而俄國近來製造西卑里亞火輪車實為注意於斯此路若成則運糧徵兵朝發夕至中國若由都門以達伊犁以及新疆各地不下四五千里之遙況有瀚海戈壁之隔沙漠難行而中國又無火車所以難往也 迺遇長途實有艱長莫及夫俄國之勢非當日新疆稱亂之柯古栢所得同日而言且前者中國之克復伊犁等處實非全因兵力之雄其所以克復之由實緣華軍設謀以傾該酋之將士若能降於中國則必賜以官階而柯酋之黨遂已離心故其亂能易於平靖也至於俄國所派往遊西藏人員不華之基曾有言謂中國新疆政治甚失人和但此說亦未必盡然查該處之賦稅雖比內地略有所增而民心亦殊帖服雖然今若中俄因新疆之事出於戰爭在中國斷難望新疆之人更為中朝出力此緣該處附近之俄官常以計籠絡民心以圖結好於民而新疆疆界所屬之軍則均屬新招之勇未經戰陣若是則安能抵禦俄國精兵至於現在中國在育林斯所築之城則向未合其地勢之宜即此已可見中國邊疆之武備設有戰務則斷有難於固守雖該處之人謂此城甚為堅固然實無足恃萬一有變斷難藉以無虞但中國是時若亟為整頓武備之需則尙猶未晚今為中國計則官於該處之兵均請西人力為訓練更為建築車路二條一由盛京一由江蘇均達至滿洲方能有益現任在俄國所製西卑亞之鐵路即最速亦須十年之久始可告成若中國現在即興工役以製火車則俄國西卑亞之車路一竣之時而中國車路兩南則可達至嘉哈爾東北則可達至吉林省會是則可有恃而無恐矣今俄國晝夜經營惟欲待時而動而中國則惟以奏章議論為能事無能經綸而大臣中竟有謂建做車路以不貸洋款不需洋料不籍洋工為上策者若然則新疆一區恐已亡無日矣可勝慨哉其論如此亦可謂洞燭無遺爰為譯而登之以告中國之留心邊事者

賽花會設 ○本坡賽花會新章定於每年西四月內開賽一次惟本年賽花之期則定於閏二月初六即西三月廿五廿六號舉行而此次所以為期略早者因英皇于遊旌定於是日抵叻故特於此期以為相賽俾皇子得以游目於其間至於其一切情形業已刊有告白列於本報之中覽之自能知悉也

竊逃候緝 ○本坡心士洋行近為井里淡亞納商人購買藍花布三箱遂於廿二日命其素常僱用之小艇駛往金德勝輪船為之附寄查該小艇榜人名曰得成于奉命之後即往該輪船寄貨迨至下午回行報稱是日該輪船落貨甚忙不及為之附運應俟來早再為之寄何如時該行以成受僱已久不虞有他因亦允之并許以此貨無須運回行中即着成小心看守成領命而去詎至翌午仍未見成覆報因使人至該輪船查問則言并未見有此貨物該行大疑乃四行尋覓至是日下午始見助津之內有虛舟一艘泛乎中流船中并無一人惟有三巨箱在于其中疑即得成之船近而察之則果然也即將三箱取視則所貯之布疋已空至是知為成所竊逃計其布疋共值銀四百八十元現該行已將此情形報于案中請將得成緝捕矣

毆人被獲 ○黃壬申被人殺斃一案於府堂審訊之際有閩人曾有珍到案為其質証現此案已詳臬署故會於二十三日特至臬堂以候傳訊迨至是日一點鐘之際臬憲退堂午膳而此案尙未經訊及會亦出席欲謀餉午乃方出門未幾即有數人執會而毆會即高聲鳴捕旋有四百九十五號之差趕至即將洪春和一名執獲餘人四散現洪已羈押候訊至於此事何因而起則經訊定尙未得而知之然據外間竊議有謂即因此案致有挾嫌之慮然皆不過懸付之詞須俟府堂訊定之時始能知其確也

賭案瑣登 ○捕賭之案本報近來已幾言不勝言然諸賭徒等旋捕旋開竟有不易於靖絕者是亦可見賭風之熾矣廿三日正午本坡巡捕差役復至丹戎巴葛某工廠內捕賭遂獲十五人解於案中翌日府尊堂訊畢因判各罰銀十元示儆

私烟案錄 ○廿二夜約七點餘鐘有本坡烟公司之巡丁在甘公麻六甲差館之前巡行瞥見有潮人名胡亞江者忽忽而過巡丁等見其行踪有異疑有所私因止而搜之果在胡身中搜獲私烟三枝共重有三十兩之多是為販賣私烟無疑因將胡執獲解於案中翌日府尊提訊以私烟甚多非重懲之安能將來垂戒因判胡罰銀六百六十元無銀監禁一年示儆

逐蠅搆費 ○近來輪船出口搭客下船往往難覓一席之地蓋有逐利之徒預下船中以席允據其位迫諸客到船勒取費財然後與之位次即諺所謂買位者是也然諸客以其小破慳吝亦不甚惜倘或高其聲價即必諸形室礙詎若輩視作居奇每藉此以為營財之路此等陋風幾於到處皆然而於廈則尤為甚甚是亦航海者之所慮也詎料人之欲利如蟻赴軀則視此為奇貨者竟若舍此以外別無他營於是有利心奢而門心遂起焉噫亦可知世風之愈下矣廈門石滸鄉向為吳姓聚族於斯頗稱蕃衍而吳族向分甲乙兩黨素來積不相能每遇小事齟齬輒相械鬥莫不欲鄉落爭雄牛耳惟其所執而後快此向來開釁之大槪情形也惟溯兩黨中人多有向輪船買位為覓蠅計不謂同方覓利并起猜嫌於端月廿五日適為某輪出口甲乙兩黨綠據佔位次之故遂相角口觸厥前雖互相交擊時適為某西人責問因而暫息厥鬥迨至

該舟展輪甲乙兩黨均如鳥獸散然而此怒均不能平也遂即各率其黨四出構戮乃相遇於史巷路頭甲黨見眾寡不敵妄欲退避即復招其黨眾以相抵禦詎被乙黨道至洋關前猝然交擊相持約有一點餘鐘之久乙黨大負而逃其中有所謂吳敦者頭顱已破而涕泗滿面又有所謂吳矮者已受重傷歸於家延醫以治而湯藥竟不能下咽喘急亦難延醫何其愚而至於此哉聞是役甲黨雖傷人稀而孔武有力實繁有徒以故未傷一人大勝而返洋洋得意莫此為快惟乙黨氣不能平於廿六日復招其黨多人欲與甲黨再決雌雄以作背城之戰適是日有某輪到廈各須督財故暫息戰則源深禍水終復滔天正不知何時始涸耳初是役於洋關前交擊該關之中西人等本欲出而彈壓奈戰事已成勢甚洶洶非將不敢出門止之甚且閉門避之則其兇狂之勢可知矣聞乙黨於既負之時突突狂奔竟被甲黨追之竟無可避後乙黨遁至協隆洋行前各踞於海鬼水而去甲黨復此情形始罷追焉不然被甲黨所傷者當不止吳敦吳矮二人云

京報選錄 (頭品頂戴湖北巡撫臣奎斌跪 奏為荆江三汛安瀾萬城大隄防護穩固恭摺具陳仰祈 聖鑒事竊照荆州府萬城大隄濱臨荆江為閩郡及下游民田廬舍保障最關緊要本年輪應臣等督防時因恭逢 恩科舉行鄉試不克分身奏明飭委荆州府知府舒惠代防並飭荆宜施道方恭劍隨時查察督辦在案茲據荆州府知府舒惠稟稱本年自夏徂秋荆江及沮漳河諸水迭次盛漲連綿風濤時作危險洶湧加以襄南二水同時併發頂阻下游以致荆江之水停滯難消最大之時高過楊林洲石磯八尺七寸兼之秋間陰雨連綿風濤時作危險異常間有涓滴浸漏及浪翻殘缺之處均經該府親駐陸所不惜重資督率在工文武派委員弁晝夜梭巡搶築防護幸得化險為平現已節逾霜降水漸消退全堤穩固昔慶安瀾等情具稟前來除仍飭實力防護俟水落歸槽即將應修各工詳細履勘照章派工興修以禦來年汛漲外所有本年防護荆州萬城大隄三汛安瀾緣由理合會同湖廣總督臣裕祿恭摺具陳伏乞 皇上聖鑒謹 奏奉 硃批知道了欽此○吳大澂片再臣奏准本年霜降安瀾案內欽奉 上諭着發去大藏香十枝交吳大澂祇領虔詣河神廟恭代祀謝用答神庥等因欽此臣祇領之下欽遵於十月二十一日虔誠齋沐敬修親詣 河神廟恭代祀謝並分頒謝詞河北運河三道各赴所屬本工 河神廟虔潔祀謝以答 神庥而昭誠敬理合附片陳明伏乞 聖鑒 奏奉 硃批知道了欽此 ○前任兩廣總督調任湖廣總督兼署廣東巡撫臣張之洞跪 奏為恭報微臣交卸兼署撫篆日期仰祈聖鑒事竊臣恭報卸鈔光緒十五年九月初七日奉上諭廣東巡撫着游智開署理等因欽此臣現已於十月二十二日交卸兩 督篆恭報在案所有兼署撫篆應即一併交卸惟游智開署理粵撫之部文俟至二十五日未到恐中途或有他故當經電請總理各國事務衙門代為可否於奉到電 旨後即將撫印交游智開署理請 旨遵行茲於二十六日承准總署復電奉 旨張之洞電奏已悉廣東巡撫印務即着移交游智開接署欽此遵即於二十七日將廣東巡撫關防太平橋監督關防 王命旗牌文案卷宗派員齎送游智開收臣即於是日交卸兼署撫篆即日啟程前赴虎門海口俟有輪船即行馳赴調任所有交卸兼撫篆日期除恭疏題報外理合恭摺具陳伏乞 皇上聖鑒謹 奏奉 硃批知道了欽此

賽花預告 ○啟者茲定於西本月廿五號禮拜二及廿六號禮拜三即華閏二月初五初六日舉行賽花之會倘諸君等有奇花異卉佳菓名蔬欲為相賽者祈至公家花園本董事處聲明得以預備一切俾得屆期相賽特此預聞
大英一千八百九十年三月十四號 大清光緒十六年二月二十四日 賽花會董事列里謹啟

開設火確 ○啟者本號新開苑生米確在芳琳巴風又開苑生火確在大公司酒廊邊倘 諸寶號欲僱春各米者請至米確或火確面商可也如米確有糶 諸寶號米必須本號在單內蓋印為憑其吊橋頭苑春米郊生理本號無份合應聲明此佈
大清光緒十六年二月廿二日 苑生公司謹啟

願捐未止 ○啟者本號日前刊佈止捐定期一滿係單止翎枝一件而貢監銜封仍舊收捐合應佈聞
大清光緒十六年二月二十二日 苑生公司章芳琳謹白

鷺江榕社勸捐小序 ○蓋聞道宜從一機易定立節之經偶不成雙麟史重持符之守所以栢舟矢志之死靡他松操盟心修貞不改婦人守節良難我輩尤宜加敬矧瓊島夙號名區海濱安瀾歌吹鳩泉地沃壤民奠場房或建恤孤之堂或立育嬰之局或築掩骸之塚或結縈字之緣眾善各有章程若節未聞矜恤夫丁一寡偶誰不含悲之合之人更堪抑痛而况家徒壁立立嗚能無米之炊屋已瓦傾權借縹茅之結淒涼五夜窈窕悲歌怨恨一生哀鴻待哺目之所擊情何之慰亟集同人同襄義舉救濟眾發慈悲心勉為措資全節孝志締聚者莫分鶴俸之餘指紳耆舍給鼠糧之費推之行商坐賈貿易與齊傾囊及乎鰥寡魚鱉往來亦須題筆多者寡者寡集腋可以成裘友其友親其親親腰何妨解囊 諸君垂鴻慈之念莫大陰功而孤孀得飽潤之益益登貞節行茲善舉戴德遍及於九原定以良規立法期傳於百世固所願也竊有請焉再本社兼辦借字務祈 諸君一并捐出共完義舉是為序
大清光緒十六年二月廿二日 鷺江榕社勸捐小序 章桂苑 虞鳳鳴 梁慶璋 林維新 鄧雲錫 洪鑄鑑 王 公啟

賽花會啟 ○啟者本坡賽花之會現已定於西本月二十五二十六號即華閏二月初五初六日在公家大花園內舉行所有花木菓疏果品等均能報賽而叻嶼甲地所有盆景花木蔬果之佳者亦可到為相賽得以判定低昂至於所有報賽之花則務於西本月廿四號即華閏二月初四日上午送交本會自能妥為照料不致有滯澀失調之患此緣英國皇太子將遊叻地屆指預計諒於是日可以行抵叻中當枉車駕以為遊觀想萬紫千紅得承皇太子垂青自必頓增聲價而本坡諸君子有癖花之癖者想亦樂選佳種得以時出色留芳名也特此預聞諸希 顧 大英一千八百九十年三月十號 大清光緒十六年二月二十日 新嘉坡賽花會董事列里謹啟

報窮攤數告白 ○啟者茲因本坡麻六甲街第二十二及二十一號門牌長茂號林長喜前者生涯倒閉以致報窮一案茲欲將所業收之項分核攤償諸債主特此通知所有為林長喜欠項之人如該項尚未報明者須於西三月十四號即華二月廿四日以前將其所欠之項開列詳細清單到來報明一切倘逾期不來報明者乃為自誤不得在攤償之列特此聲明 大英一千八百九十年二月十四號 光緒十六年正月二十五日 辦理倒盤報窮事務人員何倫美謹啟

美國紐最上等雪文發售 ○啟者茲本行有新到美國紐約地方所出之雪文一種堅實異常用以洗濯漆器等物甚為潔淨計所有漆器漆布樓枋桌椅等若經此雪文洗濯儼與新者無殊至於盤碗鼎鑊等物若有油污洗之立淨他如白鐵器物洗之亦無異於新者所有面盆浴桶及窻頭一切油膩所污之物一經洗濯無不鮮明異常但口說無憑用過方知其妙也 諸君賜顧宜細為辨認勿致有魚珠之混至於本店所沽者乃美國紐約意奴模頭公司所製較於別家尤勝故馳名遠近也 諸君惠顧祈早 玉臨不勝厚幸 大英一千八百九十年二月十號 大清光緒十六年正月二十一日 不殺呼容洋行謹啟

白密酒出售



啟者本行親在歐洲督辦龜麥之白蜜酒及卑地拿之白蜜酒來叻發售其龜麥之酒係作飛燕標 卑地拿之酒係作熊標其酒香美異常可以止渴潤腸且縱多飲亦不至有醉人之患在叻嶼甲各地以及蘇門答納慕娘暹羅安南等處 諸君均喜飲之而叻地各酒店更多購用本行之酒可見酒質之美故能廣擅銷場



而本行并有希打馬號之威實枝酒及蘇禮勿蘭號之狗標加歷力酒均係西方佳釀且價廉味高與市釀大相逕庭而本行復製有蘇烟及歐洲各式烟發售更有鐵廚製造甚精前無雜以木料而其鎖鑰非盜賊所能開本行之沽賣此廚已有五十年之久素蒙諸君業為購用并有製造水塊之小機器出售四點鐘內可製頂上水塊七磅精美異常 諸君有欲賜顧者請移玉惠臨閱為盼特此佈聞 大英一千八百八十九年十二月二號 葛士兄弟洋行告白

新到頂上呂宋烟及各式烟等發售 ○啟者茲本號常有新到頂上呂宋烟發售其烟乃本號親在小呂宋採辦上料精工監製至本坡發售其烟之名號如 刺因修刺 刺千士丹西亞 刺巴刺 下路高美打民路烏里因知等名烟無不俱備又荷蘭及刺馬即仰光等烟亦常有便沽其荷蘭烟乃向荷京之蘭亞卓卓家購至而刺馬即仰光之烟則向仰光曼多尼等諸名家購辦載來而本號并售紙捲之烟乃將西國之頂上名煙捲就如成馬愧刺勞士 刺因修刺 卷兒那勿刺乙 瑞乙加波路等 各名煙均無不有此乃向美國魯兒那地方亞蘭仁打號所選購其香清越其味醇厚令人吸之心曠神怡迥非他家所及其土耳其之紙烟乃向土京毛刺池公司採辦而本號并有官辦頂上之棉不勞參及馳名之直里加士打即三金塔之美國烟絲發售以備 諸翁自行捲用並常有呂宋烟袋及各烟盒呂宋烟嘴等發售而烟嘴之款式甚多可備 諸客選擇並自辦各式烟紙如 威峇 高士模寶來乙 然 馬路居士 埃奧美等款式甚多不能盡錄 諸尊惠顧無不格外從廉以冀廣為銷流倘 諸紳商有欲賜顧者請至土庫花園邊第八號門牌吉靈拍賣館之隣細認門前大玻璃窗上書金色西字招牌庶不至誤特此佈聞 大英一千八百八十九年十一月廿六號 打峇基里亞幼尼巴西烟店謹白

再為佈告 ○啟者本號以上所出之告白有烟名曰刺因脩刺者烟此乃天下馳名久為眾士商所共悉其夏灣拿裝者乃特聘龜盤之最上名工所製其卑立巴因裝者乃為前者小呂宋國家督造呂宋烟之工頭督製其烟葉乃精選本號自種之刺伊沙未刺里加牙兒安及巫越打亞峇柔園中所產之頂上烟葉所製此烟於前者歐洲開設賽烟會之際曾經往賽已得有金寶星二顆因當時會中天下各國所製之烟無有能出其右者於此可見本號之呂宋烟久已馳名於天為下而 諸士商所樂為之購買者也是以本號另行分枝一間在新嘉坡土庫花園邊第八號門牌吉靈拍賣館之隣以便諸紳商人等時加惠顧以應所需倘蒙 諸翁賜顧向懇移 玉前來以憑選擇本號於西國各烟無不備有且其價格格外從廉向懇惠臨不勝厚幸特此再啟 英一千八百八十九年十一月廿六號 打峇基里亞幼尼巴西烟店謹白

女醫問世 ○啟者氏向在美習醫有年前到叻中欲行於世現定以每日十一點鐘起至十二點鐘止在中華藥房內以應 諸君之聘倘有賜教者祈如期 惠臨為盼 大英一千八百九十年正月十一號 西國女醫威勞付謹啟

西國頂上密酒發售

Culmbacher Bock-Bier



頂上象頭標密酒出售



勞玉趾為荷

大英一千八百八十九年十二月十七號

街與馬與號為鄰 諸翁惠臨請 綴買洋行謹啟

印度皇家洋面有限保險公司告白 ○啟者茲承印度皇家洋面保險有限公司總理人委命本行為該公司之代理人駐於叻中專代 諸君受保洋面一切保險事宜計該公司所集老本銀共三百萬盾之多所有保費概從廉取斷不至較別家為貴 諸君賜保請 玉臨本行面商為禱 大英一千八百八十九年十二月十四號 大清光緒十五年十一月廿二日 轉珍目兄弟洋行謹啟

○啟者本行承辦尼魯西洋面保險有限公司總理人之命為駐叻之代理人代受洋面保險一切事宜至於所保之價均與他家相同斷不多為濫索倘 諸君有船貨等項欲於洋面保險者請移玉惠臨相商為盼此佈 聞 大英一千八百八十九年十二月十號 大清光緒十五年十一月廿二日 轉珍目兄弟洋行謹啟

啟者本行承辦尼魯西洋面保險有限公司總理人之命為駐叻之代理人代受洋面保險一切事宜至於所保之價均與他家相同斷不多為濫索倘 諸君有船貨等項欲於洋面保險者請移玉惠臨相商為盼此佈 聞 大英一千八百八十九年十二月十號 大清光緒十五年十一月廿二日 轉珍目兄弟洋行謹啟

啟者本館業經印就庚寅年之月份牌發售刷印中西字樣均為玲瓏工緻與他家所印者不同且較對無訛茲遵時憲書所定并繪畫春牛圖等各福圖畫於上所有白紙色紙設色白描各款俱備以憑選擇 諸翁有欲買者祈早 惠臨看閱價甚相宜此佈 本館謹啟

啟者本行親由歐洲督辦頂上正裝密酒來叻發售其酒香爽異常且蒸製最為得法功能清涼解毒曠暑除煩於南洋尤為相宜常常飲之可令人不沾暑濕癘疫等症茲特將來發售價甚相宜 諸君欲購買者請認以上所印此酒標頭慎為告擇以免為魚珠之混是所切盼特此佈聞 大清光緒十四年九月廿七日 大英一千八百八十八年十月三十一號 美憐豐洋行啟

佈告牙科醫生 ○啟者本號有精牙各科器具並有刻便製器形圖如客商欲取看祈即通知付上分文不受舖在英京此佈 大英一千八百八十九年六月十九號 馮士行謹啟

時款鐘表出售 ○啟者本店開設在國家信局對門即來安公司之隣專在歐洲督辦各式時款鐘表來叻發售計有銀表一種最為名貴每枚價銀二十五元并有大小各式金表甚多均屬當行出色者更有無須表匙自能上線之銀表每枚價銀五十其表甚為堅固至於時鐘則各體俱備無論掛鐘座鐘及石質之鐘皆備其鐘皆異常美麗以備諸君選擇他如金表金匙相盒金表練金戒指等各物甚多不能備錄而本店并能代 諸翁修理鐘表以及風雨針等件甚為精細而能修度無訛 諸君惠顧請即移玉 光臨為盼 大英一千八百八十八年四月十七號 廣中鐘表店謹啟